

Nefndarálit

um frv. til l. um breyt. á ýmsum lögum vegna sameiningar ráðuneyta, sbr. lög nr. 121/2010, um breytingu á lögum um Stjórnarráð Íslands, nr. 73/1969, með síðari breytingum.

Frá allsherjarnefnd.

Nefndin hefur fjallað um málið og fengið á sinn fund Pál Þórhallsson og Unni Kristínu Sveinbjarnardóttur frá forsætisráðuneyti.

Með frumvarpinu eru lagðar til breytingar á heitum ráðherra og ráðuneyta í ýmsum lögum til samræmis við nýsamþykkt lög nr. 121/2010, um breytingu á lögum um Stjórnarráð Íslands, sem mæla fyrir um stofnun innanríkisráðuneytis á grunni dómsmála- og mannréttindaráðuneytis og samgöngu- og sveitarstjórnarráðuneytis, og stofnun velferðarráðuneytis á grunni félags- og tryggingamálaráðuneytis og heilbrigðisráðuneytis.

Nefndin fjallaði um frumvarpið sem felur ekki í sér efnislegar breytingar eða tilfærslu verkefna milli ráðuneyta. Innanríkisráðuneytið fær öll verkefni dómsmála- og mannréttindaráðuneytis og samgöngu- og sveitarstjórnarráðuneytis og velferðarráðuneytið fær öll verkefni félags- og tryggingamálaráðuneytis og heilbrigðisráðuneytis.

Nefndin leggur til að frumvarpið verði **samþykkt**.

Vigdís Hauksdóttir var fjarverandi við afgreiðslu málsins.

Þór Saari, áheyrnarfulltrúi í nefndinni, er samþykkur álitinu.

Alþingi, 3. des. 2010.

Róbert Marshall,
form., frsm.

Atli Gíslason.

Mörður Árnason.

Birgir Ármannsson.

Valgerður Bjarnadóttir.

Álfheiður Ingadóttir.

Sigurður Kári Kristjánsson.

Þráinn Bertelsson.